



XALQ DEPUTATLARI FARG'ONA VILOYATI KENGASHI QARORI

20 17 yil "30" январь № V-XXI/116

Вилоятда 2016 йил давомида жиноятчиликка оид кўрилган масалалар ва жиноятчиликни олдини олиш борасида амалга оширилган ишлар тўғрисида

Мамлакатимизни демократик янгилашнинг бугунги босқичдаги энг муҳим йўналишларидан бири бу – қонун устуворлиги ва қонунийликни мустаҳкамлаш, шахс хуқуки ва манфаатларини ишончли ҳимоя қилишга қаратилган суд-хукуқ тизимини изчил демократлаштириш ва либераллаштиришдан иборат эканлиги, юртимизда хукуқий давлат асосларини янада такомиллаштириш ва аҳолининг хукуқий онги ва маданиятини юксалтириш борасида ўтган 2016 йил давомида жиноят ишлари бўйича туман (шаҳар) судларига жами 41,149 та (2015 йилда 36,267 та) жиноят ва маъмурий ишлар ҳамда материаллар келиб тушган. 2016 йилда туман (шаҳар) судларининг иш юритувига 8101 та турли соҳага доир материаллар мазмунан кўриб чиқилган.

2016 йилда 2015 йилга нисбатан жиноят ишлари сони 691 тага, маъмурий хукуқбузарлик тўғрисидаги материаллар 2023 тага, суд хукми билан боғлиқ материаллар сони 1960 тага, қамоққа олиш тарзидаги эҳтиёт чорасини қўллаш билан боғлиқ материаллар 197 тага ва қамоқда сақлаб туриш муддатини узайтиришга доир материаллар 10 тага кўпайган.

Жиноят ишлари бўйича Фаргона вилоят ва туман (шаҳар) судлари томонидан 9330 нафар шахсга (2015 йилда 8634 нафар) нисбатан 6947 та (2015 йилда 6465 та) жиноят ишлари тамомланган бўлиб, 2015 йилга нисбатан кўрилган ишлар сони 482 тага ёки 7,4 фоизга кўпайган.

2016 йилда 6002 нафар шахс судланган бўлса, 2015 йилда судланганлар сони 6107 нафар шахсни ташкил қилиб, судланганлик ҳолати 105 нафар шахсга ёки 1,7 фоизга камайган.

Вилоятда 2016 йилда 2015 йилга нисбатан жиноят турларидан ҳаётга қарши жиноятлар учун судланганлар сони 62,0 фоизга (2015 йилда 58 та, 2016 йилнинг шу даврида 94 та), номусга тегиш жинояти учун судланганлар сони 25,0 фоизга (2015 йилда 20 та, 2016 йилнинг шу даврида 25 та), босқинчилик жинояти учун судланганлар сони 7,3 фоизга (2015 йилда 68 та, 2016 йилнинг шу даврида 73 та), ўзлаштириш ёки растрата йўли билан талонторож қилиш жинояти учун судланганлар сони 41,7 фоизга (2015 йилда 512 та, 2016 йилнинг шу даврида 726 та), транспорт воситаларини олиб қочиш жинояти учун судланганлар сони 6,2 фоизга (2015 йилда 16 та, 2016 йилнинг шу даврида 17 та) ва гиёхванд моддалар билан боғлиқ

жиноятлар учун судланганлар сони 27,6 фоизга (2015 йилда 593 та, 2016 йилнинг шу даврида 757 та) кўпайган.

Таҳлилларга кўра судланганлик ҳолати Марғилон (143 нафар), Кувасой (273 нафар), Олтиариқ (97 нафар), Боғдод (91 нафар), Бувайда (205 нафар), Данғара (97 нафар), Риштон (120 нафар), Ўзбекистон (109 нафар) туманларида кўпайган.

Бундан ташқари вилоятда аёллар томонидан содир этилган жиноятлар шахслар бўйича 585 тага, 60 ёшдан ошган эркаклар 24 тага ҳамда вояга етмаганлар 73 тага камайган.

Жиноят ишлари бўйича туман (шаҳар) судларининг судьялари томонидан жиноятчиликни олдини олиш ва унинг келиб чиқиш сабабларини бартараф этиш юзасидан 2016 йилда жами 4938 та (2015 йилда 4510 та) хукм чиқариш билан тамомланган жиноят ишлари бўйича 3383 та ёки 68,5 фоизи (2015 йилда 2874 та ёки 63,7 фоизи)га хусусий ажримлар чиқарилиб, муҳокама қилиш учун давлат органларига, корхона ва ташкилотларга, фуқароларнинг ўзини ўзи бошқариш органларига муҳокама қилиш учун юборилган.

Судьялар томонидан 2016 йилда хукм чиқариш билан тамомланган ишлар бўйича чиқарилган хусусий ажримлар ўтган йилнинг шу даврига нисбатан 428 тага кўпайган.

Бундан ташқари, вилоятда конунийликни мустаҳкамлаш, жиноятчилик ва хуқуқбузарликларни олдини олиш, фуқароларнинг конуний хукуқ ва манфаатларини ҳимоя қилиш, аҳоли ўртасида хуқуқий онг ва хуқуқий маданиятни юксалтириш борасида хукуқий мавзуларда радио воситаларида 76 маротаба, босма нашрларда 151 маротаба, вилоят телевиденияларда 102 маротаба чиқишилар ҳамда аҳоли ўртасида 1393 та учрашув давра сұхбатлари ўтказилган.

Жисмоний ва юридик шахсларни мурожаатлари юзасидан жами 360 та мурожаатлар келиб тушган бўлиб, шундан 45 та мурожаат тааллуқлилиги бўйича юборилган, 307 та мурожаат кўриб чиқилиб, 51 та мурожаат қаноатлантирилиб, 1 та мурожаат рад этилган, 255 та мурожаат бўйича ёзма тушунтиришлар берилган.

Юқоридагилардан келиб чиқиб, жиноятчиликка оид кўрилган масалалар ва жиноятчиликни олдини олиш борасида амалга оширилган ишлар тўғрисида вилоят Жиноят ишлари бўйича вилоят суди раисининг маърузаларидан келиб чиқган ҳолда кўрсатиб ўтилган камчиликларни бартараф этиш ҳамда келгусида бажарилиши лозим бўлган вазифаларни назорат этишни янада кучайтириш мақсадида ҳалқ депутатлари вилоят Кенгashi

ҚАРОР ҚИЛАДИ:

1. Вилоятда 2016 йил давомида жиноятчиликка оид кўрилган масалалар ва жиноятчиликни олдини олиш борасида амалга оширилган ишлар тўғрисида вилоят Жиноят ишлари бўйича вилоят суди раиси М.К.Мирзажоновнинг хисоботи маълумот учун қабул қилинсин.

2. “Махалла” хайрия жамоат фонди вилоят бошқаруви (Элчиев), вилоят “Нуроний” жамғармаси (Холдоров), “Камолот” ЁИХ вилоят Кенгаши (Полвонов), вилоят Маънавият-тарғибот маркази (Зохидов), шаҳар ва туман ҳокимлари ҳамда ички ишлар бўлимлари раҳбарларига:

Вилоятда 2016 йилда 2015 йилга нисбатан жиноят турларидан ҳаётга қарши жиноятлар, номусга тегиш, босқинчилик, ўзлаштириш ёки растрата йўли билан талон-торож қилиш, транспорт воситаларини олиб қочиш ва гиёҳванд моддалар билан боғлиқ жиноятлар учун судланганлар Марғилон, Кувасой, Олтиариқ, Бағдод, Бувайда, Дангара, Риштон, Ўзбекистон туманларида кўпайганлиги алоҳида кўрсатиб ўтилсин.

вилоятда қонунийликни мустаҳкамлаш, жиноятчилик ва ҳукуқбузарликларни олдини олиш, фуқароларнинг қонуний ҳукуқ ва манфаатларини ҳимоя қилиш, аҳоли ўртасида ҳукуқий онг ва ҳукуқий маданиятни юксалтириш борасида ҳукукий мавзуларда радио воситаларида, босма нашрларда, вилоят телевиденияларда чишиллар ҳамда аҳоли ўртасида учрашув ва давра сұхбатлари ўтказилишини янада жадаллаштириш вазифаси юклатилсин.

3. Халқ депутатлари вилоят ва туман шаҳар Кенгашлари депутатларига:

ўз сайлов участкалари доирасидаги жиноят содир этган вояга етмаган ва аёлларнинг оиласи билан узвий алоқасини ташкил этиш тизимини жорий қилиш, хар бир ижтимоий ҳимояга мухтож аҳоли қатламини махалла доирасида васий оилани бириктириш каби долзарб вазифа ва тадбирларни амалга ошириш;

келгусида вилоятда жиноятчиликка қарши кураш ва уни олдини олишда асосий эътиборни аёллар, вояга етмаган ва ёшларга қаратган холда, уларни ишга жойлаш, бўш вақтларини сермазмун ўтказишларини ташкиллаш, гёхвандлик, оммавий маданият ва ёт гояларни кириб келишини олдини олишга доир чора-тадбирлар дастурини ишлаб чиқиш;

қонун устуворлиги ва қонунийликни мустаҳкамлаш, шахс ҳукуки ва манфаатларини ишончли ҳимоя қилиш, юртимизда ҳукуқий давлат асосларини янада такомиллаштириш, аҳолининг ҳукуқий онги ва маданиятини юксалтиришда олиб борилаётган чора-тадбирлар борасидаги ишларни янада кучайтириш вазифаси топширilsин.

4. Жиноят ишлар бўйича судлар, вилоят телевиденияси, жамоат ташкилотлар раҳбарлари билан ҳамкорликда вилоятдаги барча телевиденияларда доимий равишда ҳар ойда бир маротаба ҳудудлардаги аниқланган ҳолатлар юзасидан танқидий муҳокама қилиб бориш ва шу орқали аҳолини ҳукуқий онги ва маданиятини юксалтиришга доир кўрсатувлар тайёрлаб ва эфирга узатиб бориш тавсия этилсин.

5. Вилоят телерадиокомпанияси (Мамарасулов), “Фаргона ҳакиқати” (Тешабоев) ва “Ферганская правда” (Сайдганиева) газеталари таҳририятига вилоятда жиноятчиликка оид кўрилган масалалар ва жиноятчиликни олдини олиш борасида амалга оширилган ишлар юзасидан туркум мақола ва кўрсатувларни тайёрлаб бориш тавсия этилсин.

6. Мазкур сессия қарорини ижросини назорат этиш халқ депутатлари вилоят Кенгашининг қонунийлик, ҳукуқ-тартибот ва фуқаролар хавфсизлигини таъминлаш ҳамда ёшлар сиёсати ва соғлом авлодни тарбиялаш доимий комиссиялари зиммасига юклатилсин.

7. Ушбу қарор қабул қилинган кундан кучга киради.

**Кенгаш раҳбари,
вилоят ҳокими**

Ш.Фаниев,